

福建通志

第拾貳册

共壹百册

福建河渠書卷一

治地理學莫難於治古水道蓋今水道可以鑠港水北過德政橋昔改流前後異名於是有昔有而今無昔無而今西分爲三一自通仙一地而數名者方志治古水道者也不離今水道者也夫於今水道之書求古水道不過十得五六以古水道之書合今水道寧免十失一二乎本志竊不自量用水經注體例引據舊籍分段以叙經流及支流之注經流者其支流之所自出條列於各段之後焉其非經流而不入於經流者則另列焉

福州府

城內外河渠 三山志云城東南地勢卑平潮上大江自南臺東北入河口津經通仙門美化門之東至臨河務入南鑠港水北過德政橋至去思橋爲羅城大壕過橋北出鑠港散入東湖其西分爲三一自通仙門之南入通仙橋西行經洗馬橋而西會干夾城濠之西南隅一自美化門之西

入教場南過寧越門九仙橋西踰宿猿洞趾過西門迎仙橋乃北通西湖
 至遺愛門池橋一自德政橋之西南至河西橋以西置閘吸大河水貫城
 而西經通津門橋次安泰橋次清遠門橋次板橋次金斗門橋直抵浦尾
 折而東經金鋪橋與甘棠閘潮相遇其東別為二一自通仙門之東北行
 至臨河務水門分支壕繞外城而北過行春門外樂遊橋又繞外城而湯
 井門接去思橋河尾其北又分為二一自去思橋北西入甘棠閘又西行
 過延慶橋慶城寺前次師橋次經院前橋次長利橋通閘橋次虎節門大橋次
 清泰門雅俗橋至子城西南隅髮苗橋與清水堰潮相遇北行至豐樂門
 義和橋今俗呼定遠橋次宜秋橋至鹿頂門墻而止一自去思橋北行稍不附城
 至巖勝門並石泉而北乃東折至安國之左若其子城之東南自長利橋
 北走經定安門仁愛橋並開元而北踰康泰門樂遊橋趨將軍山之南西
 南自清泰門東眾樂橋水門入子城經開通橋次便民橋大寺東次宜興門
 橋沿都倉至威武堂西澄瀾閣通西園池又自西北繞郡城之後東入甌

治池

案以上爲宋代河渠至今尚無大更改惟稱名偶異至井北一帶有淪在城外者亦不過十分之二耳

光緒福建全省

輿圖云城內之水自南臺江引入東北流經白馬橋浦西橋穿洗馬橋而東經南較場有新港河南自鴨姆洲北流來會又北流經通仙橋入城分一支繞城而東歷東門外樂遊橋過湯門外四明橋至湯水關入城又云西湖水自西水關入城會爲西河其北流穿北水關出城循城西而南合白馬橋之水入於臺江閩縣鄉土志云城中之水自西水關東流曰西牯河經太平橋觀音橋分爲南北北者出玉沙橋折而東經潮通橋益山橋曰文藻山河有元帥廟河來會再東經雙拋橋楊橋曰虎節河有旁支無源之達明河亦自北來會由虎節河東流至到任橋再經石橋安瀾橋曰賢壇河稍北折東流經衛橋至于獅橋曰三牧坊河復東出灰橋與三塊石下曰將軍後河乃東會湯門水關之湯牯河折而流經澳橋及德政橋與南派合南派自觀音橋東流南出驛前橋曰驛前河又南經金斗橋二橋亭倉前橋曰倉前河折而過江都橋向東過老佛亭橋曰玉山澗河至

清遠橋曰桂枝河再東流抵安泰橋過釣鱸橋畔有梁無渠又經觀音橋廣河

橋曰朱紫坊河又東過兼濟橋曰通津河又東經武安橋曰鐵打巷河又

東出古仙橋曰珠媽廟河又東會德政橋之水直出水部水關曰水牯河

其餘不通舟筏之渠由元帥廟河經虎婆菴河出定遠橋曰後曹河又經

卧湖橋以出北水牯又云新港雖直然打鐵港一曲乃入新港再曲為小

萬壽橋三曲四曲為高橋象橋

案三山志去思橋下自注云即澳橋也南從江岸開口通湖北流至

澳橋浦遂通東湖直如溝瀆號直瀆浦是直瀆宋時已開而後世相傳

明弘治十一年督船鄧太監始鑿直瀆新港何哉或本有是港鑿寬大

之以便夷船故尸其名歟

閩縣

南臺江閩江北派入閩縣界後之名閩縣江流分南北兩派北派在府城南嘉崇里上

接侯官界之洪山江東南流福建全省輿圖云五里夾繞中洲而東經南臺山下故名太平

寰宇記云在州南五里江濶九里案實在州南九里八閩通志云閩江至洪塘歧

為二北行者經釣龍臺為南臺江閩都記作白龍江云相傳越王餘善釣

白龍處三山志云納北山眾流桑溪自鷺鼻經大坑嶺全省輿圖云南臺江東南五里抵鴨

鴉洲有大阮嶺之水分東西出東峰後至茶焙涌通潮鱔溪至浦東橋通

潮

桑溪 八閩志云在孝義里之獵嶺旁有桑園故名越王無諸嘗於此

流觴宴會閩都記云曲水在桑溪上流登雲路之下宋郡守有禊遊亭

善溪 寰宇記 源在鼓峯八閩志云舊名鱧溪在桑溪里山峽有二

潭下潭廣六丈深不可計距上潭五里相傳越王郢時溪有大鱔長三

丈郢第三子號白馬三郎有勇力射中之鱔怒纏以尾三郎人馬俱溺

邑人立祠祀之淳祐八年郡守陳塏更今名

東行經泛船浦又東南名濂江即林浦江又東經鼓山下為龍頭江又東南為

馬頭江亦名馬尾大定江濱江滙焉

福建通志

福建通志

馬頭江 八閩志云南臺西峽二江皆滙於此深廣莫測波濤洶湧中有石如馬頭潮退則見閩都記云在江右里福州府志云縣之極南東西北眾水悉入焉其浦漉東南有投桃洲以形似名東下為羅星塔案馬尾亦名中岐船政局在焉

大定江 八閩志云在府城東南承北里與南臺江同派至此受上下

溪諸水通馬頭江

濱江 八閩志云在府城東北源出山谷閩書云一名蜆源

馬頭江之支港又有上洞江下洞江

上洞江 八閩志云在至德里乃馬頭江左次港也閩都記云舟人候

潮咸集於斯

下洞江 八閩志云在江右里乃馬頭江左一港 案閩書作右港道光志作右次港甚合

中有獅子石與方山對峙巨浸不沒俗謂水浸方山鼻不到獅子耳

其斜對岸有東峽山 亦曰峽兜亦作狹兜江面最狹出峽則為馬頭江兩岸陡寬矣 故馬頭江亦曰東峽

江與南派會

東峽江 八閩志云南臺西峽二江合流於此跨歸仁高詳二里兩山夾峽上納汀建延邵之水下吞興化泉漳潮汐其濶可以尺量其深不可以數計中流有石如砥柱名曰浮礁閩都記云江南北各有亭待渡官募大小舟十數往來如織福州府志云俗謂之烏龍江

南派為淘江瀨江西峽江西接侯官仙崎陽崎江經金鎖江義與白湖有

湖港自螺洲閩都記云北來注螺洲在方山北而榕溪義溪苦竹溪自南而北經尚幹注之

淘亦作陶江 閩都記云在永慶里臨以塔峰長林之勝江邊有亭俗呼

淘邊

瀨江 閩都記云在清廉里與西峽江合流微風激之聲如溪瀨故名

閩書云瀨江亦呼淘江福州府志云自淘江至大義渡總名瀨江中有

三十六灣

西峽江 八閩志云在永福里受永福印溪之水流十四里與東峽江

合

金鎖江 寰宇記云在州西二十里閩中記云昔有漁父垂釣得金鎖引鎖盡見金牛奔湧漁者急挽至岸牛斷猶得鎖長二尺晉康帝詔於此立廟三山志作金崎江云閩縣西南七十里昔漁者云云因名又云金崎江螺洲合大義江瀨江出西峽門

案寰宇記此江屬閩縣三山志八閩志均同一敘在永福江之下螺洲之上一敘在瀨江之上自閩書以屬侯官然不載其何鄉何都非以其地界在侯官閩縣間而不能確指福州府志道光志等因之然閩書以為在城南七里道光志以為在洪山江之上則決非耳今從其朔列閩縣

榕溪 八閩志云在青布一作舖閩書云一名麻溪達于西峽在青布嶺

舊記白鹿山入十五里號榕溪橋跨其上曰綠榕橋達義溪大田驛在焉道光志云源出福清縣界

義溪 八閩志云在西集里又名麻溪福州府志云俗呼大義坊口源

出白鹿山白鹿溪源亦出焉達於西峽江案義溪爲榕溪下流溪之隨地異名也

苦竹溪 八閩志云在金鰲峰之下橫溪有橋在積善里閩書云金鰲峰左有龍湫潭激水湍急下通此溪

又東爲烏龍江東北與北派之東峽江會自是東流而東南過羅星塔而東北至閩安南曰急水門是爲閩港內口又東北而南岸北岸而亭頭長柄而長門金牌外卽大洋東北出雙龜門外繞壺江五虎以至芭蕉尾此一口也自急水門而東北有琅琦山南有小蘆巴豆大蘆三嶼中曰福斗山又東曰黃浦東岐白猴嶼爲大海門又東爲白犬洋此又一口也其潮汐分兩港三山志云潮由西峽上者先至洪塘由南臺上者差遲南台江中有洲數里潮至鼓山分爲二南廣而北狹由北上者入直瀆浦由南上者涉洲尾反東流而與之遇

案明董應舉崇相集云省城門戶以閩安鎮南出之琅琦門東出之五

虎雙龜門爲兩喙以梅花定海爲兩臂以松下之東西洛礪山之西洋
爲兩關以海壇臺山爲兩游近之東沙竿塘遠之東甲東湧皆我泚地
此其大勢也又云省城水自上府而下分爲南北二港滙而束於閩安
鎮閩安鎮東出爲五虎門有堡舊設巡司北爲荻門南爲壺門鼓尾並
出大海其上爲急水門南有嘉登之鳳崙山北有新安桃源山夾立不
及三百丈雙龜鬣斗緝之此鎮門東喙第一要地也閩安鎮南出爲琅
琦門其取險者爲長樂广石灣六山倚聚居民二三千家與嘉登望之
海巽相對江面雖濶中有積沙大船難改行邊灣乃有港此鎮門南喙
第一要地也

焦溪 八閩志云在欽仁里

子房溪 鼓山志云在鼓山里牛眠崗前

羅溪在至德里 福州府志云有懸巖瀑布

寬溪 名勝志云在台北里貫象山中

大坑溪在台北里 八閩志云源出青陽

東崎岳溪浩溪孟溪 八閩志云俱在台北里閩書云孟溪溪難方舟第
資灌溉北有香爐峯

荷溪在嘉登里 八閩志云地名龍井中有躍龍津石刻三字尙存閩都
記云近溪有元中訓計議鄭愷所居

投桃溪在江右里 閩都記云在馬頭江中形勢如桃故名洲有田數百
頃

蘆洲在仁惠里黃山之南 閩都記云又名蘆下宋時陳氏居之卽唐仁
濟侯礮之後

螺洲在仁惠里 三山志云洲以形名在大義西北納龍泉坑溪閩都記
云在方山北週迴一江環洲以居者數千家司空吳復其著也

福和洲 閩都記云在義興東

侯官縣

閩江閩雖首邑江亦以閩稱然江流先經侯官界後經閩縣為省會經流

自延平府治合上游東溪建寧府西溪延平府各縣並尤溪東南流經

古田縣水口驛北受古田諸水始出險就平又東五十里經閩清縣境納

閩清諸水又東入侯官本境經大箬溪小箬溪即閩江之東南行首納

溪

龍溪 三山志云唐大曆中有女子浣紗溪次為龍所食其父哭之哀

既而得龍乃烹以釋憤名士多為記述其山源深險多不逞民盜販茗

鹵官莫誰何俗號七村龍裏閩書云溪旁有金沙古山園福州府志

在十七都俗呼源口

次左納大目溪右納小目溪

大目溪 閩都記云在三十一二都沿溪以裏數十里有路達於雪峰

閩書云源口出古田福州府志云在城西北五十里名大穆案大目在

十里去城不止五十里也

小目溪 三山志云源出閩清界六七十里入江閩都記云在十六都源出永福溪溪裏鴻山最大山下村落成聚雞犬相聞達於閩清永福二縣界福州府志云在大目溪南

又東至白沙驛納黃石溪

即白沙港

黃石溪 八閩志云舊岳江疑即石岳江之上流發源白分關至白沙合流七十里入西峽江福建全省輿圖說云源自縣西北西山之東麓南流十五里經昭山東納昭溪又南十里有青坑水注之折東南十餘里西納一無名小水又東南二十五里有東蒙溪自東來注又南曲流二十餘里抵傅老峰西分流爲二一從西南流至下垵北納大湖山水爲黃石溪經白沙驛西注閩江

案大小目二溪皆在竹岐上數十里黃石溪由白沙入江去竹岐不過數里道光志叙黃石於大小目之上誤

又東流過竹岐關至甘蔗塘爲螺女江蒙溪入焉

螺女江 此亦閩江之隨地異名者搜神記云閩人謝端江濱得一大螺如斗畜之家每出歸盤殮必具乃密伺見一姝麗甚詰之曰我天漢中白水素女天帝哀卿少孤遣妾具君膳今當去矣留殼與君端用以貯米常滿資給數代故江以螺女名

案三山志次在大小目溪之下甘蔗之上云侯官縣西北三十里或曰江形如螺又云至甘蔗北分數里復合至石門南分方輿勝覽只稱螺江閩都記云在十三都與馬瀆江相接方輿紀要以爲在白沙驛道光志以爲卽石岵江在侯官市之下蓋一江之隨地異名里數本無定限甘蔗洲 八閩志云居民以種蔗爲業

蒙溪 閩都記云在三十四都源出連江界溪口有橋去白沙驛五里許沁泉山館集云螺女江至甘蔗洲北分爲白龍洲而復合又納白沙驛蒙溪水至石門

又東南過石門峽爲馬瀆江陳塘溪仁溪注之

馬瀆江 三山志云赤岸山尾與瀉山尾相迎如門水中有石闕過石門爲馬瀆江閩都記云石門峽在十二都馬瀆江在十三都上接螺女江道光志云在侯邑西北二十五里納雪峯以東諸水沁泉山館集云離郡城二十餘里爲馬瀆江中流俗呼懷安角案此亦閩江之隨地異名

陳塘溪 八閩志云源出十四都縈紆至此入江歲旱則堰水爲埧以溉民田幾三十餘頃舊有橋梁橫其上閩都記云白石灘在陳塘溪西巨石嵌岑江流迅急全省輿圖說作成唐溪云源自縣西北西山南流抵傅老峰西分爲二一從南流曲行二十餘里爲溪頭港抵懷安洲注閩江沁泉山館集云江過石門納懷安舊縣陳塘溪水案與黃石溪同源

仁溪 閩都記云在二十五都源出連江福州府志云在二十六都注於馬瀆江

又東南流經侯官市至芋原驛沙溪匯焉

沙溪 八閩志云源出分水關經建劍而來下至芋原與大江合中有

沙壅成洲故名閩都記云自水口至芋原總名案據此亦閩江之隨地

異名

濱江有石岳山江行至此為石岳江八閩志云在府城西北十三都上接

大江也閩書云唐書侯官西南七里有洪塘浦自石岳江而東桐溪來注

經覽瀆至柳橋以通舟楫貞元十一年經覽瀆至柳橋以通舟楫貞元十一年經覽瀆至柳橋以通舟楫貞元十一年

桐溪 八閩志云在十三都流三十里至萬安橋通大江福州府志云

在城西北三十里俗謂之桐口注於石岳

中流至洪塘歧而為二北派為洪山江閩都記云洪山橋距城西六七里萬安江口東南流至

上渡入閩縣界赤橋塘之水由西河注之西安塘之水至上渡注之

南派即洪塘江閩書云上自西而南有一水自永福縣入境東北行來注

又南三叉港出旗山錦溪注之

錦溪 閩都記云在南嶼旗山之別渚也峴山在旗山之南一名水西